

Mbeti á endje sú fœ Aebre Tshatshu o'o

Uzu á tshe sú mbetinœ asœke œdœ endjeneke á endje vwa fœ endje, a wuwusœ endje nene. Kashe tœ koedi tœnœ, endje sú fœ Ayuda á endje wuta lima ayindœ Yisu. Anga azu mbœrœ lima œrœ kanga fœ endje yé œ bili endje tœ kœkatœ kœyindœrœ.

Mbœrœ tœnœ ataa, mbetinœ asœke ma adœke Yisu kœdœ Gbolo nœ Ndjaba nœ soro. Tshe ropa azu kœ yé œ za soro á ka nene fœ azu. Tshe za undu ye tœ tokóró mbœrœ kœdjœrœndœ ekperœ nœ azu. Mbetinœ gbota ndje gbetshelœ nœ ayindœ Yisu kœgbe dœ œnœ anga azu utshunœ lœ Ongboro Ayo. Ataa endje wuwu lima œrœ tshangba kœyindœrœ nœ endje nene gbaa, endje sœ lima dœ kœyindœrœ ga ndœ Ndjaba.

Mbetinœ kurutshelœtœ ye atake:

- Kristu yisœ mara nœ Ndjaba (1.1-3)
- Kristu ropa aandjelu (1.4-2.18)
- Kristu ropa Ayosuwa dœ Moyize (3.1-4.13)
- Akwa nganga nœ Yisu ropa œnœ anganga Ndjaba lœ Ongboro Ayo kœ ye (4.14-7.28)
- Ayo nœ Kristu ropa œneke ala Ongboro Ayo ye (8.1-9.28)
- Mokœ á Kristu má ropa œneke lœ Ongboro Ayo ye (10.1-39)
- Anga agbangba kœyindœrœ lima utshunœ (11.1-12.29)
- Mara kœza yanga fœ Ndjaba (13.1-19)

- Avwala œdœe ndangba abala (13.20-25)

Ndjaba pa o'o læ awa næ Gbolo næ ye

¹ Utshunœ lima, Ndjaba pa o'o fœ aata azœ, tshe pa o'o læ awa næ aayi kœgbara o'o; tshe pa o'o fœ endje kpalakpala œdœe pe læ tshelœ aka mara ndjoro,

² yé ngɔngɔ tœ ndɔngɔɔ oshonœ asœke á a sœ læ næ, tshe pa o'o fœ azœ læ awa næ Gbolo á tshe za she kœsœ tœ ayengɔ œrœ kɔ, læ awa næ ye ndje dá tshe mbœrœ tshapashɔ.

³ Gbolo kœdœe kœtshi næ mokɔ næ ye, tshe kœdœe adja angwa ye. O'o ama ye sœ dœ gbɔgbɔ yé œtœnœ dá mbœrœ adœeke œrœ tshapashɔ para kɔkɔ sœ zœ. Mangba kœdjutɔ ekperœ næ azu, tshe sœ ga pa kuni Ndjaba á tshe sœ dœ gbɔgbɔ kœropa næ kɔ ɔa lafo.

Gbolo næ Ndjaba ropa aandjelu

⁴ Gbolo ropa aandjelu ye. Dœ tœnœ ataa á Ndjaba za i'iri kpi á rosœ œnœ endje fœ she.

⁵ Atamœ, Ndjaba papa fœ anga andjelu næ ye bale nene adœeke:

«Bœ kœdœe Gbolo næ mœ,
yé kœto kpesheke, œmœ kœdœe Aba zœ.»

Yé tshe papa ndje o'o tœ upu næ anga andjelu bale nene adœeke:

«Mœ dœ bala Abanœ,
yé tshe dœ bala Gbolo næ mœ.»

⁶ Kashe dœ lɔndɔ á Ndjaba vwa lima eya Gbolo næ ye ga pa tshapashɔ, tshe pa adœeke:

«Œ li adœeke aandjelu næ Ndjaba kɔ gote ga tshat-shu ye.»

⁷ Tshe kpa pa o'o tœ upu næ aandjelu adœeke:

«Mœ mbœrœ adœke aandjelu nœ mœ sœ бата
ishiri,
yé mœ mbœrœ adœke aayi akwa nœ ye sœ бата
лаба owo.»

⁸ Kashe tœ upu nœ Gbolo, tshe pa adœke:

«Uu Ndjaba, ngande tshagbozu nœ zœ sœ waa dœ
waa.

Bœ sœ kœmbœrœ akwa tshagbozu nœ zœ dœ
mara á sœ ndjii.

⁹ Bœ sœ kœyindœ œrœ á sœ ndjii, yé bœ sœ
kœyiangba ekperœ,

mbœrœ tœnœ ataa, uu Ndjaba, Ndjaba nœ zœ dá
ke bœ adœke bœ sœ dœ yanga,

yé tshe ma adœke œne yindœ zœ kœropa anga zœ.»

¹⁰ Tshe kpa pa ndje adœke:

«Gbozu, œbœ dá mbœrœ ɔshɔ pe tœ alinœ ut-
shunœ,

tshalafœ kœdœ tshangba akwa ndœ kane zœ.

¹¹ Œrœnœ asœke kɔ œ yiwa bala ye, kashe œbœ,
bœ sœpe zœ.

Tshalafœ œdœ tshaati œ wuta бата ongboro læba;

¹² bœ vwele œtœnœ bala ga tœnœ бата á endje
vwele yɔgbɔɔ læba,

yé endje yapa œtœnœ бата læba.

Kashe œbœ, bœ sœ kolœ бата á bœ sœ ascœmœ yé
ndɔngɔɔ zœ œ sœ tœnœ nene.»

¹³ Ndjaba papa fœ anga andjelu nœ ye bale nene
adœke:

«Na œ sœ ga pa kuni mœ,

mœ ko ayingba zœ ga tshakudu ada zœ.»

¹⁴ Aandjelu kœdœ adœ e? Endje para kɔkɔ kœdœ
ishiri á sœ kœmbœrœ akwa fœ Ndjaba: Tshe sœ

kœvwa endje adœke endje ti kane azu á endje li kœgbɔ kœshe.

2

Kœshe á gerœ dopanœ

¹ Mbœrcœ tœncœ ataa, œ li adœke a shi gbi lœ o'o á a dji œdœ a kœyindœ nœ adœke a djingili awa nene.

² Gbambanœ nene, œdœ o'o á aandjelu pa lima ndœ nœ kœmatœ ye adœke œtœncœ kœdœ adja o'o, yé œdœ azu á endje ndi lima tshelœncœ, œdœ azu á endje vvara lima tœ endje tœ kœlisœ o'onœ asœmœ kœgbɔ lima djofele á li dœ endje,

³ azœ dœ tœ azœ a kpa lœ manœ kotoo œdœ a kœsœ kœmboerœtœ mara kœshe ataa? Gbozu dá yi lima sœ œrcœ tœ upu nœ utshunœ, manda nœ á azu á endje dji lima she ma kikilinœ fœ azœ.

⁴ Ndjaba to ndje gbɔgbɔ nœ ye ga lœ kœmarœ nœ endje lœ awa nœ ambárá ndjoro, ogboro œrcœ dœ tshelœ áká afá kɔ, œ ga ndœ lœ awa nœ kœto œrcœ nœ Ɔtshɔ Ishiri fœ azu lindœ œneke á lœsu ye yindœ nœ.

Yisu kœdœ ayi kœza kœshe fœ azu

⁵ Gbambanœ nene, Ndjaba zaza tshapashɔ nœ tshambatsha á a sœ kœpa tœncœ, fœ aandjelu nene.

⁶ Andaa, anga uzu bale su o'o ala Buku nœ Ndjaba adœke: «Uzu kœdœ dœ yeka á 6œ kœsœ kœgbe dœ she a?

Too gbolo nœ uzu kœdœ dœ á 6œ kœko ala zœ ga pa ye a?

⁷ Bœ za she teasho ga tshakudu aandjelu, 6œ za mokɔ œdœ kœliscœtœ fœ she.

⁸ Bœ ko œrœ kɔ ga tshada ye.»

Bata á Ndjaba za she tœ gbozu tshapa œrœ kɔ, anga œrœ bale á tshapu kœsœ ga tshakudu ye gugu nene. Andaa, a wuwu damba nene adœke Ndjaba ko œrœ para ga tshakudu ye.

⁹ Kashe œrœ á a sœ kœwu tœnœ dœke: Yisu á Ndjaba za lima she teasho ga tshakudu aandjelu, gbɔ mokɔ œdœ pe kœliscœtœ lœ kumu kœwu œrœ kanga nœ kuzu á tshe tshu. Ataa lœ awa nœ ɔtshɔ lœsu nœ Ndjaba, tshe tshu kuzu tœ upu nœ azu kɔ.

¹⁰ Gbambanœ nene, œ li adœke Ndjaba á tshe mbœrœ œrœ kɔ, á sœ kœmbœrœ adœke œrœnœ sœ zœ ascœmœ, za Yisu tœ uzu á tshe li lœ awa nœ kœwu oyo mbœrœ adœke agbolo ndjoro kœwu mokɔ nœ ye. Gbambanœ nene, Yisu kœdœ uzu á tshe sœ kœyisœ awa kœshe fœ endje.

¹¹ Andaa Yisu á tshe sœ kœmbœrœ adœke azu wuta yerœ lœ ekperœ nœ endje dœ pe endjeneke á endje wuta yerœ, endje sœ dœ Aba bale. Mbœrœ tœnœ ataa dá Yisu sœsœ dœ tshula kœ'e endje adœke aaya œne nene.

¹² Yé tshe pa adœke:

«Uu Ndjaba, mœ pa bala o'o tœ upu nœ i'iri zœ fœ aaya mœ,

yé mœ ɓi itshi kœdonga dœ ɓœ ugurutœ ukpulu azu lœ angbɔtœ.»

¹³ Tshe kpa pa adœke:

«Mœ za bala lœsu mœ djigi fœ Ndjaba.»

Yé ga pa nœ:

«Wu mœ, œmœ œdœ agbolo á Ndjaba ko endje fœ mœ dœke.»

¹⁴ Ataa, bata á agbolo kœdœ azu á endje sœ dœ songba œdœ dœ indji, Yisu wuta ndje awa bale

ɓata endje, tshe mboerø øerø kɔ nœ mara nœ endje dœ azu. Lœ awa kuzu nœ ye, tshe ropa djaboro á tshe sœ lima dœ gbɔgbɔ nœ kuzu,

¹⁵ œdœ dœ œnœ kœvwara azu á awa kuzu fa lima endje tœ akanga lœ soro endje djigi.

¹⁶ Gbambanœ nene, tshe nana mboerø kœti kane aandjelu nene, kashe tshe na mboerø aata Abrayamo.

¹⁷ Mboerø tœnœ ataa, œ li lima adœke tshe wuta awa bale ɓata aayanœ lœ áká øerø kɔ yeka á kœte egerø nganga Ndjaba nœ lœsu kœwu oyo, á tshe sœ ndjii utshu Ndjaba mboerø kœdjeroendœ ekperø nœ azu.

¹⁸ Gbambanœ nene, ɓata á tshe wu lima oyo dœ tœ ye lœ kœwu lœsu nœ Satana, tshe li ndje kœti kane endjeneke á Satana sœ kœwu lœsu endje ye.

3

Yisu kœdœ egerø uzu kœropa Moyize

¹ Atamœ, aaya mœ, e'e kœdœ ayerø azu nœ Ndjaba á tshe e 'e ndœ kœmboerø ogo nœ ye ɓa lafo, 'e meosho ga tœ Yisu á tshe dœ ayi avwa œdœ egerø nganga Ndjaba nœ kœyindœrø á a sœ kœmindœ nœ.

² Œ dœ adjapu adœke tshe sœ lima ndjii utshu Ndjaba á tshe ke she ndœ akwa ɓata á Moyize sœ ndje lima ndjii lœ anda nœ Ndjaba djigi.

³ Endje donga ayi kœmɔ anda kœropa anda dœ tœ ye. Gbambanœ nene, mokɔ nœ Yisu ropa œnœ Moyize.

⁴ Anda bale dœ bale kɔ sœ dœ uzu á tshe mɔ, yé uzu á tshe mɔ kɔ kœdœ Ndjaba.

⁵ Andaa, Moyize za lima tœ ye kœmbœrœ akwa dœ lœsu ye bale lœ anda nœ Ndjaba djigi ɓata ayi akwa mbœrœ kœma œneke á li má adœke Ndjaba pa.

⁶ Kashe Kristu zatœ ye kœmbœrœ akwa dœ lœsu ye bale ɓata Gbolo, yé Ndjaba za she ga tœ kumu akwa lœ anda nœ ye. Anda nœ ye kœdœ azœ œdœ a kœsœpe kolœ kœyindœ nœ yé á sœ kœko lœsu azœ ga tœ œrœ á a sœ kœkate kœgbœ toœnœ dœ yanga.

Azu nœ Ndjaba œ yatœ endje

⁷ Mbœrœ toœnœ dá Ɔtshœ Ishiri pa adœke:

«Kpesheke, œdœ 'e kœsœ kœdji tshama ye,

⁸ 'e sœsœ dœ œgbœ lœsu nene ɓata lœndœ á 'e oma lima dœ Ndjaba,

dœ olo á 'e wu lima lœsu ye ɓa lœ kpagagasho.

⁹ Ba zœ, alaba 'e kœwu lima lœsu mœ dœ kœpara awa kœyu tshelœ mœ,

yé endje wu lima akwa ndœ kane mœ

¹⁰ manda ungu zazu bisha (40).

Mbœrœ toœnœ ataa, mœ sœ dœ ókó ga tœ azu nœ oshonœ asœmœ

yé á mœ pa adœke: “Gbetshelœ nœ endje sœ kœendi waa dœ waa,

azunœ asœmœ wuwu lima sœ awa mœ nene.”

¹¹ Gbambance nene, mœ dara ama mœ lœ ókó nœ mœ adœke:

A wu bala zœ, œdœ endje œ li bala kœyatœ endje ɓa ndœ mœ!»

¹² Alaya mœ, 'e sœ dœ gbœdjela. Kaka adœke uzu bale ugurutœ 'e sœsœ dœ ekpe lœsu dœ pe sharapu neke á vwa she kœfa tshangba ye fœ Ndjaba nœ soro nene.

¹³ Kashe 'e to gbɔgbɔ ugurutɔe 'e dɔe anga 'e ɔɔ dɔe ɔɔ ɓata á endje sú ala Buku adœke œndœ «tshakpesheke» œœpe kœdi toœnœ, mbœrœ adœke ekperœ bibili uzu bale ugurutɔe 'e, á tshe kœwuta dœ ɔgbɔ lœsu nene.

¹⁴ Gbambanœ nene, œdœ a kœsœœpe kœshi gbi œerrr ga tœ ndɔngɔɔ soro azœ lœ kœyindœrœ ɓata á a gbɔ lima tœ alinœ, a wuta aayi kœmbœrœ akwa awa bale dœ Kristu.

¹⁵ Endje su ɓala buku nœ Ndjaba adœke:
«Kpesheke, œdœ 'e kœsœ kœdji tshama ye,
'e sœsœ dœ ɔgbɔ lœsu ɓata dœ lɔkɔ á 'e oma lima dœ
Ndjaba nene.»

¹⁶ Azu adœ dá dji lima tshama ye, yé á oma dœ she a? Œ dœdœ lima azu kɔ á Moyize ko endje wuta toœnœ ga ushu lœ ogo Ezipito nene a?

¹⁷ Yé adœ dá Ndjaba sœ lima dœ ókɔ ga tœ endje manda ungu zazu bisha a? Œ dœdœ ga tœ azu á endje mbœrœ lima ekperœ yekane á tshu ɓa lœ kpagagasho nene a?

¹⁸ Yé adœ dá Ndjaba dara lima ama ye adœke endje li kœyatœ endje ɓa ndœ œene nene a? Œ dœdœ mbœrœ azu á endje oma lima asœmœ nene a?

¹⁹ Yé a wu adœke endje lili lima kœli ga zœ nene mangba ɔgbɔ lœsu nœ endje.

4

¹ Ndjaba pa lima ndœ nœ fœ azœ adœke a li bala kœyatœ azœ ɓa tœ osho á œene guma fœ azœ. Ataa, ala azœ gbɔ adœke anga uzu bale ugurutɔe azœ tshatshapu kœli ga zœ nene.

² Gbambanœ nene, a gbɔ Ōtshɔ O'o ɓata á azunœ asœmœ gbɔ ndje lima. Kashe o'o á endje dji lima

mbœmboercœ ærcœ bale tœ endje nene, mbœrcœ aayi koedji toencœ dji lima tako kashe endje yiyi lima ndœe nœ nene.

³ Yé azœ á a soe dœ koeyindœrcœ, a li bala koeyatœ azœ 6a tœ osho á Ndjaba pa lima o'o tœ upuncœ adœke:

«Mœ dara ama mœ læ ókó nœ mœ:

Endje li bala koeyatœ endje 6a tœ osho koeyatœsho nœ mœ nene!»

Ndjaba pa atamœ, kashe osho koeyatœshonœ asœmœ, tshe guma lima koeto tœ ali koembœrcœ tshapasho.

⁴ Gbambancœ nene, endje sú tœ upu nœ olo mindu dœ bisha (7) adœke: «Yé Ndjaba ya lima tœ ye dœ olo mindu dœ bisha manda koeka akwa nœ ye kœ.»

⁵ Yé endje kpa su o'onœ asœmœ adœke: «Endje li koeyatœ endje 6a tœ osho nœ mœ nene.»

⁶ Dœ toencœ ataa, azu á endje dœ lima azu utshunœ koedji Ɔtsho O'o, endje lili lima koeyatœ endje 6a tœ oshonœ asœmœ nene, mbœrcœ endje vwara lima tœ endje koeliscœ Ndjaba ye, andaa anga azu li koeli toencœ ye.

⁷ Ndjaba kpa za anga olo koeli ga zœ, á tshe e i'irincœ «kpesheke». Olo ndjoro manda nœ, tshe pa lima o'o waa læ awa nœ Davidi læ ada mbeti á endje pa toencœ utshunœ adœke:

«Kpesheke, œdœ 'e koedji tshama ye,

'e soœsœ dœ ɔgbɔ lɔsu nene.»

⁸ Yé œdœ Yosuwaa koeto lima azu li toencœ 6a tœ osho nœ koeyatœsho, Ndjaba œ kpa pa má o'o tœ anga angbi olo bala nene.

⁹ Ataa, olo koeyatœsho nœ lœkœ sabata soe mbœrcœ azu nœ Ndjaba.

¹⁰ Gbambanœ nene, uzu á tshe li ga lœ kœyatoesho nœ ye, sœ ndje kœyatœ ye manda akwa á tshe mbœrœ ßata á Ndjaba ya ndje lima tœ ye manda œnœ ye.

¹¹ A pa avwaratœ azœ kœli ga lœ kœyatoeshonœ asœmœ, adœke adja mara œgbœ lœsunœ asœke kœmboembœrœ adœke uzu bale te nene.

¹² Gbambanœ nene, o'o ama Ndjaba sœ dœ soro œdœ dœ gbœgbœ, yé amanœ ki kœropa ingiri yakamba á amanœ sœ bisha. Œ sœ kœli œerrr ga tœ kœkurutshelœ uvuru dœ ishiri, tshelœ kpoto ngbabi dœ vwala. Œ sœ kœwa ngbanga ugurutœ gbetshelœ œdœ o'o á sœ ßa lœsu uzu.

¹³ Anga œrœ bale á Ndjaba mbœrœ á zatœ ye yiwatœ nœ tœ ala ye gugu nene. Œrœ kœ sœ kpendro, ngbi tœ ala ye, yé fœ she dá a li kœpa o'o tœ upu nœ œrœnœ kœ á a mbœrœ.

Yisu kœdœ egerœ nganga Ndjaba nœ azœ

¹⁴ A sœ dœ egerœ nganga Ndjaba á œsœ ye li, œshe kœdœ Yisu, Gbolo nœ Ndjaba. Tshe ro tœ lœ tshalafœ œ gu ga ndœ Ndjaba. Atamœ, a shi gbi lœ kœyindœrœ nœ azœ.

¹⁵ Gbambanœ nene, egerœ nganga Ndjaba nœ azœ awa bale dœ azœ lœ kœmœ nœ azœ sœ zœ. Satana wu lima lœsu ye lœ œrœ kœ ßata á tshe sœ kœmbœrœ dœ azœ, kashe tshe mbœmbœrœ ekperœ bale nene.

¹⁶ Ataa, a na dœ lœsu azœ djigi ga tœ ngande tshagbozu nœ œtshœ lœsu nœ Ndjaba mbœrœ á tshe kœwu oyo azœ yekane á kœma œtshœ lœsu nœ ye ga ndœ azœ mbœrœ kœti kane azœ dœ lœkœnœ á tshe yindœ nœ.

5

¹ Egerœ nganga Ndjaba kɔ, endje ke she ugu-rutoe azu mbœroe kœmbœroe akwa tshagurutoe azu dœ Ndjaba tœ upu nœ endje. Akwa nœ ye kœdœ kœko kœtorœ œdœ tokóró mbœroe ekperœ.

² Tshe li kœsœ dœ ɔmɔ lɔsu ga ndœ azu á endje wuwusœ œroe nene yé á sœ lœ djingili. Gbam-banœ nene, œshe ndje dœ tœ ye kœdœ uzu á tshe sœ dœ kœmɔ.

³ Yé mbœroe kœmɔnœ, œ li adœke tshe to tokóró mbœroe ekperœ nœ azu œdœ ndje mbœroe œnœ ye dœ tœ ye.

⁴ Uzu bale lili kœketœ ye dœ tœ ye adœke œne dœ egerœ nganga Ndjaba nene. Kashe Ndjaba dá e uzu ndœ kœmbœroe tœnœ, ɓata á tshe e lima Aro.

⁵ (Etoenœ ataa dá Kristu zaza kœlisœtœ nœ kœwuta egerœ nganga Ndjaba ga tœ ye dœ tœ ye nene; kashe tshe gbɔ ɓa ndœ tsheneke á tshe pa fœ she adœke:

«Æɓœ kœdœ Gbolo nœ mœ
kpesheke, œmœ kœdœ Aba zœ.»

⁶ Yé ɓa tœ anga oshonœ, tshe pa adœke:

«Æɓœ kœdœ nganga Ndjaba waa dœ waa
ɓa lœ mara nœ Melekisedeke.»

⁷ Lœ soro ye ɓa pa ɔshɔ, tshe sœ lima kœza awwala dœ ɔgbɔ rawa œdœ dœ ngola fœ tsheneke á tshe li lima kœshe she lœ akuzu, yé Ndjaba yi lima ndœ nœ mbœroe á tshe li lima œsœ ye dœ kœzatœ ye ga ati fœ she.

⁸ Ataa œshe kœdœ lima Gbolo nœ Ndjaba gbaa, tshe wusœ kœlisœ Ndjaba lœ awa nœ œroe kanga nœ ye kɔ á tshe wu.

⁹ Yé manda noe á Ndjaba fa she lima toe uzu á tshe li, tshe wuta lima ayi koeza koeshe noe waa doe waa foe azu á endje soe koelisee o'o ama ye.

¹⁰ Ndjaba ma she ngbi toe egeroe nganga Ndjaba loe mara noe Melekisedeke.

Koegbota tsheloe utu toe upu noe koekatoe koeyindoeoe

¹¹ 'A soe doe o'o ndjoro koepa toe upu noe asoe, kashe koepandoe adánoe gbo waa mboeroe 'e kpa soesoe koedji tsheloekata o'o katsha katsha nene.

¹² 'E doe má balima aayi koeyiseroe katshatsha ye. Kashe 'e kpa gbe adoeke endje yisee ali o'o noe o'o ama Ndjaba foe 'e. 'E soepe damba koegbe doe koea ongo, toe oesoenoe adoeke 'e zi ogbo roego.

¹³ Uzu ko á tshe soepe koea ongo, tshe lili koemiroetsheloe ye pa upu noe eroe á soe ndjii nene, mboeroe oeshe koedoe awaya.

¹⁴ Kashe ogbo koeziroe soe mboeroe agbozu á loe awa noe eroe ko á endje mboeroe, li koekurutsheloe ekperoe doe otshoro.

6

¹ Mboeroe toenoe ataa, a fatoe azoe ndoe koeyiseroe noe agbozu ye oe katoe koeyiseroe noe agbolo ga manda azoe toe upu noe Kristu. A kpa kwakwatoe azoe ndoe eroe á endje guma utshunoe nene: koefatshalosu toe eroe á soe koeyi osho ga loe kuzu noe ishiri ye oe soe doe koeyindoeoe ga ndoe Ndjaba,

² koeyiseroe toe upu noe batisimu, toe upu noe koeto kane ga pa azu, toe upu noe koeshe loe akuzu oedoe pe toe upu noe koewa ngbanga noe waa doe waa.

³ 'E wu ɔerɔe á li dɔe azɔe adɔeke a mbɔerɔe bala ɔedɔe Ndjaba kɔeyindɔe nɔe, dɔe mɔe.

⁴ Gbambanɔe nene, azu á endje wu ingbisho nɔe Ndjaba, endje á endje wusɔe kɔetɔerɔe nɔe tshalafɔ á Ndjaba to fɔe endje, endje á endje te azu nɔe ɔtshɔ Ishiri,

⁵ endje á endje dji o'o ama Ndjaba dɔe ɔtshɔnɔe ɔedɔe gbɔgbɔ nɔe tshapashɔ á na ba mbatsha

⁶ yekane á kpa yo, ɔe li nene adɔeke endje kpa fatshalɔsu endje. Andaa endje kpa sɔe kɔekuru Gbolo nɔe Ndjaba ga pa kurushi mbɔerɔe kɔefatshalɔsu nɔe endje yé ɔe sɔe kɔegu she tɔe ala azu.

⁷ Ɖedɔe ɔshɔ kɔesɔe kɔendjoro ungu yavuru ɔɔ dɔe ɔɔ yé á ɔkɔ ngwarɔe nɔe azu á endje lu kɔesɔe kɔega tɔenɔe, ɔe yindɔe kɔepa adɔeke Ndjaba to kane ye ga pa ɔshɔnɔe ye.

⁸ Kashe ɔedɔe ɔe kɔesɔe kɔezu ishi ɔedɔe gusu á sɔe dɔe ishi, ɔe sɔe dɔe ádá bale nene. Ɖe sɔe ndoo adɔeke Ndjaba darandɔe nɔe yé ɔe sho.

⁹ Tɔe 'e dɔe aaya 'a á 'a yindɔe 'e waa, 'a yindɔe nɔe lɔe o'o á 'a sɔe kɔepa tɔenɔe adɔeke, 'e sɔe kɔeza ɔtshɔ awa á sɔe kɔeto 'e na tɔenɔe ndɔe kɔeshe.

¹⁰ Yé Ndjaba sɔe ndjii, tshe lili kɔedjerɔendɔe akwa ɔedɔe kɔeyindɔeshɔ á 'e ma ga tɔe i'iri ye lɔe awa nɔe kɔemboerɔe akwa á 'e mbɔerɔe lima fɔe ayerɔe azu ɔerrr ga tɔe ngɔngɔ asɔeke nene.

¹¹ Kashe ogo nɔe 'a sɔe adɔeke uzu dɔe uzu zatɔe ye djigi ndɔe kɔemboerɔe atamɔe ɔerrr ga tɔe ndɔngɔlɔnɔe yekane á kɔegbɔ ɔeneke á tshe za lɔsu ye ga pa nɔe.

¹² 'E mɔmɔ nene, kashe 'e za mara kɔemboerɔe ɔerɔe nɔe azu á endje gbɔ ɔerɔe á Ndjaba pa tɔenɔe

lœ awa nœ kœyindoerœ œdœ kœeru lœsu nœ endje ga ndœ ye.

Ɔerœ á Ndjaba pa tœnœ

¹³ Lœndœ á Ndjaba pa lima tœ œrœ fœ Abrayamo, tshe dara lima ama ye dœ i'iri ye dœ tœ ye; gbanbœ nene, anga uzu á tshe ropa ye adœke tshe dara ama ye dœ i'iri ye gugu nene.

¹⁴ Yé tshe pa adœke: «Adjapu, mœ to kane mœ ga pa zœ waa, yé mœ mbœrœ adœke aata zœ ngba kœeropœ.»

¹⁵ Abrayamo sœ lima kœvu dœ ugu lœsu yé tshe gbœ lima œneke á Ndjaba pa lima tœnœ fœ she ye.

¹⁶ Azu dara ama endje dœ i'iri uzu á tshe ropa endje, yé œ sœ kœembœrœ adœke sharapu sœ ugurutœ endje pa o'o á endje dara ama endje lœ kumunœ nene.

¹⁷ Andaa, Ndjaba yindœ kœema fœ azu á endje gbœ bala œrœnœ á tshe pa lima tœnœ fœ Abrayamo adœke, sharapu œ sœ tœ upunœ nene. Tshe dara ama ye ndœ kœema adœke, o'o á œne pa dœ lœsu œne bale ascœmœ, œne kpa yapa nene.

¹⁸ Atamœ, Ndjaba mbœrœ œrœ bisha neke á tshe lili kœyapa tœnœ nene œdœ ndje kœpa wala tœ upunœ nene, mbœrœ kœto gbœgbœ á rosœ nœ fœ azœ. Mbœrœ tœnœ ataa, a sœ dœ ugu lœsu, azœ á a sœ kœekate kœgbœ œrœnœ á a ko lœsu azœ ga panœ ascœmœ.

¹⁹ Ɔerœnœ á a ko lœsu azœ ga pa nœ mbœrœ adœke a shi mbœrœ tœnœ. Soro azœ shi mbœrœ tœnœ Ɔata egerœ agba œ shi mbœrœ longo. Ɔerœnœ ascœmœ li kpuru djagakele rido,

²⁰ á Yisu li 6a zœ utshunœ mboerœ azœ, yé œ te egerœ nganga Ndjaba waa doe waa 6ata Melekisedeke.

7

O'o tœ upu nœ Melekisedeke

¹ Melekisedeke kœdœ lima gbozugo Saleme œdœ nganga Ndjaba nœ Ndjaba á tshe ropa œrœ kœ. Melekisedeke na para tshatshu Abrayamo doe lœkœ á tshe sœ lima kœgu tœnœ manda kœnga koshe doe agbozugo, yé œ to kane ye ga pa ye.

² Œshe dá Abrayamo ko lima œrœ bale lœ ndjokpanœ á tshe gbœ, fœ she. Utshunœ kœ, ádá i'iri ye kœdœ «gbozugo nœ o'o á sœ ndjii», yé ga pa nœ, œshe kœdœ gbozugo Saleme á yindœ kœpa adœke «gbozugo nœ kœsœ gee».

³ Endje wuwusœ abanœ doe ayinœ nene, endje wuwusœ o'o tœ upu nœ uwu aalatanœ œdœ olo kœzu she nene, endje wuwu ndje sœ ndœngœlœ soro ye nene; kashe tshe sœ 6ata Gbolo nœ Ndjaba: tshe doé nganga Ndjaba nœ waa doe waa.

⁴ 'E wu mara á tshe doe egerœ uzu, œshe á ata azœ doe Abrayamo ko œrœ bale lœ ndjokpa á tshe gbœ lœ koshenœ fœ she.

⁵ Andaa, kœli doe awa akwa, aata Levi á endje doe lima anganga Ndjaba dá lima kœ'eshondœ œrœ bale lœ ndjokpa nœ azu Israyele, œ yindœ kœpa adœke aaya endje á endje kœdœ aata Abrayamo.

⁶ Melekisedeke sœsœ lima lœ uwu aata Levi nene, kashe Abrayamo to lima œrœ bale lœ ndjokpa fœ she. Gapa nœ, tshe to kane ye ga pa Abrayamo á Ndjaba pa lima tœ œrœ fœ she.

⁷ Andaa dœ sharapu nene, egerœ uzu dá to kane ye ga pa aya uzu asœmœ.

⁸ Yé endjeneke á endje sœ kœgbœ œrœ bale lœ ndjokpa kœdœ azu á endje tshuutshu, kashe tœ upu nœ Melekisedeke, endje pa adœke œshe kœdœ uzu á tshe sœ dœ soro.

⁹ Tœ ndœngœlœnœ kœ, œeneke yindœ kœpa adœke, lœkœ á Abrayamo ko bale lœ ndjokpa asœmœ, œ yindœ kœpa adœke Levi á tshe sœ lima kœgbœ œrœ bale lœ ndjokpa ko ndje œœœ ye yé.

¹⁰ Gbambœ nene, ataa endje zuzu lima Levi nene gbœœ, œ sœ œata tshe sœ lima œa lœ atanœ dœ Abrayamo zœ lœkœ á Melekisedeke na lima para tshatshu ye.

¹¹ Awa akwa pa adœke anganga Ndjaba œ wuta lœ uwu aata Levi. Andaa œdœ anganga Ndjaba lœ uwu aata Levi kœœmœœœ lima akwa á li, ádá nœ kœgbœ má anga angbœ anganga Ndjaba œa lœ uwu aata Melekisedeke gugu nene tœ œsœœœ adœke endje ke endje œa lœ uwu aata Aro.

¹² Gbambœ nene, œdœ endje kœyapa uwu kœœmœœœ akwa nœ anganga Ndjaba, œ li adja adœke endje yapa awa akwa.

¹³ Yé Gbozu nœ azœ á a pa o'o tœ upu nœ ye œœke, tshe sœ lœ anga angbœ mara á anga uzu bale lœœœ mœœmœœœ akwa nganga Ndjaba œa pa ndaba nene.

¹⁴ Azu kœ wusœ nœ adœke tshe to lœ mara nœ Yuda, á Moyize papa lima o'o bale ala mbeti nœ ye tœ upu nœ anganga Ndjaba nene.

Anga nganga Ndjaba œata Melekisedeke

¹⁵ Yé œeneke á soe koema œetœnœ ngbi koedœ adœke: Anga nganga Ndjaba á tshe wuta, tshe soe ɓata Melekisedeke.

¹⁶ Tshe wuwuta nganga Ndjaba lindœ awa akwa tœ upu nœ aata uzu nene, kashe tshe wuta nganga Ndjaba lœ awa nœ gbɔgbɔ nœ soro á ndɔngɔlɔnœ gugu nene.

¹⁷ Yé buku nœ Ndjaba má adœke:

«Bœ koedœ nganga Ndjaba nœ waa dœ waa ɓata Melekisedeke.»

¹⁸ Ataa, endje ka lima tœ ongboro awa akwa mbœrœ á gbɔgbɔnœ œdœ ádánœ gugu lima nene.

¹⁹ Gbambanœ nene, awa akwa mbœmbœrœ adœke uzu dœ uzu á tshe li nene. Kashe anga ɔtshɔrœ kœropa nœ á a za lɔsu azœ ga pa nœ mbœrœtœ ye fœ azœ, yé lœ awanœ, a li kœgitœ azœ ndoo dœ Ndjaba.

²⁰ Yé œ mbœrœtœ endje dœ koedarama nœ Ndjaba. Anga azu tete anganga Ndjaba lœ awa nœ koedarama nene.

²¹ Kashe mbœrœ she, tshe wuta lima nganga Ndjaba lœ awa nœ koedarama lɔkɔ má Ndjaba pa tœ upu nœ ye adœke:

«Gbozu dara ama ye

yé tshe yapa bala o'o ama ye nene:

“6œ koedœ nganga Ndjaba nœ waa dœ waa.”»

²² Mbœrœ toenœ dá tafo ayo á Yisu wuta ayi kœgi sharapu ugurutœ Ndjaba dœ azœ, soe dœ ɔtshɔnœ kœropa ongboronœ.

²³ Ga panœ, anganga Ndjaba ngba lima waa mbœrœ endje soe lima koetshu toenœ, endje lili lima kœmbœrœ akwa nœ endje waa dœ waa nene.

²⁴ Kashe Yisu sœ dœ soro nœ waa dœ waa yé akwa nganga Ndjaba nœ ye œ ka nene.

²⁵ Mbœrœ toenœ ataa, tshe li kœshe dœ mara nœ waa dœ waa endjeneke á endje na lœ awa nœ ye ga ndœ Ndjaba; gbambanœ nene, tshe sœ dœ soro á ka nene ndœ kœza avwala nœ ye fœ Ndjaba tœ upu nœ endje.

²⁶ Ataa, Yisu kœdœ egerœ nganga Ndjaba á tshe li má dœ azœ. Tshe sœ yerœ, tshe gugu dœ o'o nœ uzu nene, tshe mbœmbœrœ ekperœ nene. Ndjaba za she kpi tœ aayi kœmbœrœ ekperœ yé œ za she ga pa œrœ kœ.

²⁷ Tshe sœsœ ɓata anga angbi agboro anganga Ndjaba nene: tshe gbegbe kœza tokóró ɔlɔ dœ ɔlɔ utshunœ mbœrœ ekperœ nœ ye dœ tœ ye, yé manda nœ, mbœrœ œnœ azu ogo nene. Tshe za tokóró kolœ awa tshebabale lœkœ á tshe za lima tœ ye dœ tœ ye tœ tokóró.

²⁸ Andaa, awa akwa sœ kœko azu á endje mœmœ tœ agboro anganga Ndjaba; kashe o'o nœ kœdarama nœ Ndjaba á na manda awa akwa, za Gbolo á tshe guma œrœ ga tœ ndɔngɔlɔnœ djigi, tœ egerœ nganga Ndjaba mbœrœ waa dœ waa.

8

Yisu kœdœ egerœ nganga Ndjaba nœ azœ

¹ Andaa, gilida o'o nœ azœ á a yindœ kœpa toenœ kœdœ mara egerœ nganga Ndjaba á a sœ dœ she, œshe á tshe sœ ga ati ga tœ kuni ngande tshagbozu nœ Ndjaba ɓa lafo,

² ɓata ayi akwa nœ adja œyerœ osho œdœ œnœ adja gbanda tande á Gbozu mœ, kashe œ dœdœ uzu dá mœ nene.

³ Endje za egerœ nganga Ndjaba kɔ ga tœ akwa mbœrœ koeto koetorœ œdœ tokóró. Mbœrœ toenœ ataa, œ sœ dœ ádá waa ye adœke tshe sœ dœ œrœ koeto toenœ.

⁴ Œdœ Kristu kœsœ lima 6a pa ɔshɔ, tshe dœ má nganga Ndjaba nene. Gbambanœ nene, anga anganga Ndjaba á endje sœ kœko koetorœ lindœ awa akwa, sœ zœ.

⁵ Kashe endje sœ kœdonga Ndjaba ga tœ ishiri œrœ, ga tœ desherœ á sœ kœma adjapu nœ tshalafo. Mbœrœ toenœ ataa dá Ndjaba za lima o'o fœ Moyize utshu nœ kœmɔ gbanda tande. Tshe pa fœ she adœke: «Wu, mbœrœ kɔ lindœ mara á mœ yi lima sœ nœ fœ 6œ 6a pa kaga.»

⁶ Adjapu, tshe sœ kœmbœrœ akwa á ropanœ kɔ, mbœrœ œshe kœdœ uzu 6a uguru ɔtshɔ ayo á ka ga pa ɔtshœrœ á Ndjaba pa lima tœ nœ.

⁷ Œdœ endje kœgbagbagbara o'o tœ upu nœ ayo neke lima utshunœ nene, ádá nœ kœyapa toenœ dœ bishanœ œ gu má nene.

⁸ Kashe toenœ kœdœ kœgbagbara osho dá Ndjaba sœ kœgbagbara dœ azu nœ ye lɔkɔ á tshe sœ kœpa adœke:

«Gbozu pa adœke, dœ olo á na manda nœ,
á mœ lu tafo ayo ugurutœ mœ dœ azu Israyele
œdœ dœ azu ogo Yuda,

⁹ œ sœsœ 6ata ayo á sœ lima ugurutœ mœ dœ aata
endje

lɔkɔ á mœ ko endje dœ kane mœ
mbœrœ kœko endje ga ushu lœ ogo Ezipito nene.
Mbœrœ endje dœ tœ endje, endje mbœmbœrœtœ
endje lima lindœ ayo nœ mœ nene.

Gbozu pa adœke: œmœ ndje, mœ katœ endje ti ye.

¹⁰ Gbambanœ nene, wu ayo á mœ lu bala dœ azu
Israyele

manda olonœ asœmœ dœke:
ndœ kœza awa akwa nœ mœ,
Mœ su bala awa akwa nœ mœ
ga lœ gbetshelœ nœ endje œdœ ga lœsu endje.
Mœ te bala Ndjaba nœ endje,
yé endje te bala azu nœ mœ.

¹¹ Uzu bale ugurutœ endje œ yisœ œrœ nene fœ
yanganœ too fœ ayancœ adœke tshe wusœ
mœ,

mbœrœ endje para,œ wu bala sœ mœ ye,
kœto kpœtœ aaya azu œrrr ga tœ agboro azu.

¹² Gbambanœ nene, mœ djerœ bala ndœ ekperœ
nœ endje,

yé mœ kpa kwatœ mœ kœtondœ nœ bale nene.»

¹³ Dœ kœpandœ tafo ayo, Ndjaba fa œneke ut-
shunœ tœ ongboronœ. Andaa, œneke á fa ongboro
œrœ yé á gbœ ye, sœ ndoo kœyiwa tœncœ.

9

Mara kœdonga dœ Ndjaba lima utshunœ

¹ Ali ayo sœ lima dœ mara nœ kœdonga dœ
Ndjaba œdœ pe Tepelo nœ œshœ.

² Yé gbanda tande sœ lima kpœtœmœ, ali
tshakalanœ sœ tœ osho á i'irinœ kœdœ Œyerœ
oshœ, á miinda dœ ndaba œdœ pe mapa á endje
sœ kœto fœ Ndjaba sœ lœ nœ.

³ Manda nœ, 6a ngba bisha ridonœ, gbanda
tande á i'irinœ kœdœ Œyerœ oshœ kœropanœ,

⁴ á sœ dœ ndaba á sœ dœ œrœ, á endje zo yombo
pa nœ œdœ sanduku nœ ayo á endje dja kotenœ
dœ œrœ sœ kpœtœmœ. Œrœ á sœ lœncœ dœke: lœsú

á endje mbœerœ doe ɔrœ á mane sœ lima lœnœ, tshɔngbɔlɔ nœ Aro á ndɔkɔnœ wuta lima tœnœ œdœ pe ndaba nœ ayo.

⁵ Ba pa sandukunœ, endje ko lima œerœ bisha 6a zœ, œerœnœ sœ lima kœma akeluba, á yindœ kœpa adœke Ndjaba doe tœ ye sœ lima 6a zœ zœ. Andjelunœ saka tshelœ ombo endje ga panœ ga tœ osho á endje sœ lima kœto tokóró mbœerœ adœke Ndjaba djerœndœ ekperœ nœ azu. Kashe awa kœli ga lœ kœpandœ ádánœ bale doe bale gugu nene.

⁶ Endje guma lima œerœnœ kɔ doe mara ataa, anganga Ndjaba sœ lima kœli ɔlɔ doe ɔlɔ ga lœ ali tshakala gbanda tande mbœerœ kœmbœerœ akwa nœ endje.

⁷ Kashe 6a lœ bisha tshakala gbanda tandenœ, egerœ nganga Ndjaba sœ kœli ga zœ kolœ awa bale lœ ungu bale. Tshe sœ kœli doe indji agea kœto doe makabo fœ Ndjaba mbœerœ ekperœ nœ ye doe tœ ye œdœ mbœerœ œnœ azu.

⁸ Ɔtshɔ Ishiri yindœ kœma adœke awa nœ kœli ga tœ œeyerœ osho mamatœ ye damba nene, mbœerœ gbanda tande neke utshunœ sœpe zœ.

⁹ Tœnœ dá sœ kœma ambárá nœ ngɔngɔ asœ. Ɔ doédœ makabo œdœ tokóró á endje sœ kœto fœ Ndjaba dá sœ kœguma lɔsu uzu adœke tshe li kœdonga Ndjaba nene. ¹⁰ Ɔ sœ mbœerœ kœziroœ, kœendjorœ doe pe kœdjutɔ kotœ uzu lindœ mara o'o nœ alata. Tœnœ kœdœ mara œerœ á azu sœ kœmbœerœ tœnœ œerrr ga tœ adœke endje yapa œerœ para.

¹¹ Kashe Yisu na tœ egerœ nganga Ndjaba nœ ɔtshœrœ á sœ kœna tœnœ. Tshe li tɔ lœ gbanda

tande á sœ tœ egerœnœ yé á li, œ doédœ ndje uzu dá mbœrœ nene, œ yindœ koepa adœke, á doédœ œnœ tshapashœnœ asœ nene.

¹² Æ doédœ lœ awa nœ indji akɔ ayaburu œdœ avoro angombe nene, kashe lœ awa nœ indji ye dœ tœ ye dá tshe li kolœ awa tshebabale ga tœ œyerœ osho yé á vwara azœ lœ ekperœ nœ azœ waa dœ waa.

¹³ Gbambanœ nene, œdœ indji akɔ ayaburu dœ akɔ ngombe œdœ pe vorowo ovoro ngombe á endje dja ga tœ azu á endje mbœrœ ekperœ kœsœ kœmboœrœ adœke ɔkɔ endje wuta yerœ,

¹⁴ ataa, indji Kristu, á lœ awa nœ ishiri nœ waa dœ waa, á tshe zatœ ye dœ tœ ye tœ makabo fœ Ndjaba ɓata uzu á tshe mboembœrœ ekperœ nene kashe á tshu, rosœ nœ ye. Indji ye œ djutɔ bala lœsu azœ lœ ekperœ nœ kuzu adœke a mbœrœ akwa fœ Ndjaba nœ soro.

¹⁵ Wu mbœrœ tœnœ ataa á Kristu dœ uzu ɓa uguru tafo ayo dœ ongboro ayo. Bata á kuzu ye wuta mbœrœ kœyɔ azu lœ kanga nœ ekperœ á mbœrœ lima tœ endje lœ ongboro ayo, endjeneke á Ndjaba e endje li ndœ kœgbɔ œrœ tshangba nœ waa dœ waa á tshe pa lima tœnœ.

¹⁶ Gbambanœ nene, œdœ mbeti kœko œrœ tshangba uzu kœwuta, œ sœ dœ ádá waa ye œdœ ayi kœsu mbetinœ koetshu ye kane.

¹⁷ Mbeti kœko œrœ tshangba uzu sœ dœ ádá œdœ uzunœ koetshu; kashe œdœ tshe kœsœ dœ soro, ádánœ gugu nene.

¹⁸ Mbœrœ tœnœ ataa, tœ koetetœ kœmboœrœ ayo neke lima utshunœ, indji tu lima yeka.

¹⁹ Lɔkɔ á Moyize pandœ awa o'o liaka awa akwa fœ azu para, tshe za indji ovoro ngombe dœ œnœ akɔ ayaburu á djanga dœ ungu, á za aya ganea ɔyɔ á i usu agea ga tœnœ yé á yi ga la nœ, yeka á vwi ga tœ buku dœ tœ ye dœ pe ga tœ azu para.

²⁰ Tshe pa adœke: «Asœ kœdœ indji nœ ayo á Ndjaba za awa tœnœ mbœrœ 'e.»

²¹ Manda nœ, tshe vwi ndje indjinœ ga tœ gbanda tande dœ pe gbarœ para á endje donga Ndjaba dœ tœnœ.

²² Lindœ awa akwa, indji dá sœ kœmbœrœ adœke œrœ kɔ wuta yerœ, yé lœ awa nœ indji dá Ndjaba œ djærœndœ ekperœ.

Tokóró nœ Kristu gi ekperœ pa azu

²³ Ataa, œdœ ishiri œrœ á sœ 6a lafo kœsœ yerœ lœ awa nœ mara kœdonga oshonœ asœmœ, œ li adœke adja o'o nœ tshalafœ dœ tœ endje sœ ndje lœ awa nœ tokóró neke á sœ dœ ɔtshɔnœ kœropa nœ.

²⁴ Gbambanœ nene, œ doédœ 6a tœ œyerœ osho á uzu mbœrœ dœ kane, á azu tondœ nœ yeka á mbœrœ, dá Kristu li ga lœnœ nene, kashe adja 6a lafo. Ba zœ dá tshe sœ kœmatœ ye ngɔngɔnœ asœ 6a utshu Ndjaba mbœrœ azœ.

²⁵ Yé œ doédœ manda kœzatœ ye tœ tokóró awa ndjoro ɓata á egerœ nganga Ndjaba á tshe sœ kœli ungu bale dœ bale ga lœ œyerœ osho dœ angbi indji nene.

²⁶ Gbambanœ nene, œ kœsœ má ataa, tshe wu má lima oyo awa ndjoro kœtotœ ali kœmbœrœ

tshapashə. Kashe tshe matə ye kolə awa tsheba-
bale 6a tœ ndəngəlbə osho mbœrœ kœwo ekperœ lœ
awa nœ kœzatœ ye tœ tokóró dœ tœ ye.

²⁷ Yé 6ata uzu kə sœ mbœrœ kœtshu tœnœ awa
bale yeka manda nœ, á Ndjaba œ wa ngbanga pa
ye,

²⁸ awa bale ndje ataa, Kristu zatœ ye tœ tokóró
awa tshebabale mbœrœ kœgi ekperœ pa azu nd-
joro, yé tshe kwa bala tœ ye tœ bishanœ mbœrœ
upu nœ ekperœ nene, kashe mbœrœ kœza kœshe
fœ azu á endje sœ kœkate kœna she.

10

¹ Awa akwa nœ Moyize nana lima dœ adja o'o
fœ azu nene, kashe œ sœ lima kœma ishiri ɔtshœrœ
á na bala. Awa akwa lili ndœ kœguma uzu á tshe
yindœ kœna ga ndœ ndjaba nene. Mbœrœ tœnœ
ataa ungu dœ ungu, endje sœ kœto kolœ tshetœ
tokóró waa dœ waa.

² Ɔdœ Ndjaba kœdjerœ lima ndœ ekperœ nœ
endjeneke á endje sœ kœdonga she kolœ awa bale
, endje wu má sœ nœ adœke œne kpa sœsœ lœ
ekperœ nene, yé œ ka má tœ kœto tokóró fœ
Ndjaba ye.

³ Kashe, ungu dœ ungu, endje sœpe kolœ kœto
tokóró fœ Ndjaba mbœrœ kœgbe dœ ekperœ nœ
endje.

⁴ Gbambanœ nene, indji akə angombe too œnœ
aakə ayaburu lili ndœ kœgi ekperœ bale nene.

⁵ Mbœrœ tœnœ ataa, ləkə kœna Kristu ga pa
tshapashə, tshe pa lima adœke:
«Ɔdœ tokóró, œdœ makabo, 6œ yiyindœ nœ nene,
kashe 6œ mbœrœ undu fœ mœ.

⁶ Bœ yiyindœ agea á endje sho endje dœ owo 6a pa ndaba
too tokóró á endje to fœ 6œ mbœerœ koedjærœndœ
ekperœ nene.

⁷ Yé mœ pa adœke: “Uu Ndjaba, Æmœ dœke, mœ
na ga ndœ zœ dœ tœ mœ
mbœerœ kœmbœerœ œeneke á 6œ yindœ nœ,
lindœ œeneke á endje sú tœ upu nœ mœ 6a la buku
á endje vwele.”»

⁸ Kristu pa utshunœ adœke: «Ædœ tokóró, œdœ
makabo, œdœ agea á endje sho endje dœ owo
6a pa ndaba, œdœ tokóró á endje to mbœerœ
koedjærœndœ ekperœ, 6œ yiyindœ œerœ bale nene
yé œ gaga ndje tœ zœ nene.» Andaa, œtœnœ
kœdœ makabo á sœ lindœ awa akwa.

⁹ Yé tshe kpa pa adœke: «Wu, mœ na mbœerœ
kœmbœerœ œerœ á 6œ yindœ nœ.» Tshe sœ kœwo
ongboro mara kœdonga Ndjaba mbœerœ kœza ta-
fonœ.

¹⁰ Yisu Kristu mbœærœtœ ye lindœ œerœ á Ndjaba
yindœ nœ; tshe zatœ ye tœ makabo awa tsheba-
bale fœ Ndjaba, yé œtœnœ ataa dá a wuta ayerœ
azu mbœerœ she.

¹¹ ɔlɔ dœ ɔlɔ, nganga Ndjaba bale dœ bale sœ
kœka ga lafo ndœ kœmbœerœ akwa nœ ye, yé œ sœ
kœto tshetœ tokóró kpœpanœ kpœpanœ; tokórónœ
asœmœ á sœsœ kœgi ekperœ pa azu ɔlɔ bale nene.

¹² Kashe tœ upu nœ Kristu, manda kœzatœ ye tœ
tokóró awa tshebabale ndœ ekperœ nœ azu, tshe
sœ ga pa kuni Ndjaba waa dœ waa.

¹³ Ngəngə asœke, tshe sœ kœkate ɔlɔ á Ndjaba œ
ko ayingba ye ga tshada ye.

14 Gbambanœ nene, læ kœzatœ ye tœ makabo awa tshebabale asœmœ, tshe mbœrœ adœke end-jeneke á tshe sœ kœmbœrœ adœke endje wuta yerœ læ ekperœ nœ endje, te azu á endje li.

15 Tœnœ kœdœ neke á Ɔtsho Ishiri dœ tœ ye sœ kœmatœ nœ fœ azœ. Gbambanœ nene, manda kœpa adœke:

16 «Asœke kœdœ ayo á mœ lu bala dœ endje manda olonœ asœmœ,

Gbozu pa adœke:

ndœ kœza awa akwa nœ mœ,

Mœ su bala awa akwa nœ mœ

ga læ gbetshelœ nœ endje œdœ ga lœsu endje.»

17 Yé tshe kpa pa adœke: «Mœ kpa gbe dœ ngbindirœ œdœ dœ ekperœ nœ endje nene.»

18 Andaa, 6a tœ osho á kœdjœrœndœ ekperœ sœ zœ, ádá nœ kœto makabo mbœrœ ekperœ gugu bale nene.

A na ga ndœ Ndjaba

19 Atamœ, alaya, a sœ kœyindœ nœ dœ lœsu azœ adœke a li ga tœ œyerœ osho læ awa nœ indji Yisu.

20 Tshe kœrœ tafo awa á sœ dœ soro fœ azœ læ awa nœ rido, œ yindœ kœpa adœke læ awa nœ undu ye dœ tœ ye.

21 Yé a sœ dœ egerœ nganga Ndjaba á Ndjaba za she ga tœ kumu akwa tshasœnda nœ ye.

22 Ataa, a na ga ndœ Ndjaba dœ lœsu azœ ndjii œdœ læ kœyindœrœ djigi mbœrœ tshe gi azœ læ ngbindirœ á sœ tœ lœsu azœ, yé œ djuto undu azœ dœ ungu á sœ yerœ ye.

23 A mœmœ nene, a sœpe kolœ kœyindœ œrœ á a za lœsu azœ ga panœ; gbambanœ nene, tshe sœ kœmbœrœ œrœ lindœ œneke á tshe pa tœnœ.

24 A gbāndōetōe azōe lōe ugurutōe azōe dōe anga azōe á kōembōerōe adōeke á yindōe anga azōe dōe ɔtshānōe dōe pe kōembōerōe ɔtshā akwa.

25 A kpakpa lōe angbōtōe nōe azōe nene ɓata á anga anga azōe sōe kōembōerōe tōenōe, kashe a to gbōgbō lōe tōe azōe mbōerōe 'e sōe kōewu adōeke olonōe sōe kōendo tōenōe.

26 Gbambānōe nene, ɔedōe a kōesōepe kōembōerōe ekperōe dōe lōsu azōe manda kōewusōe adja o'o, tokóró tōe upu nōe ekperōenōe asōemōe kpa gugu nene.

27 Kashe, ɔe sōepe kolōenōe adōeke a kate ɔgbō ngbānga á Ndjaba ɔe wa ga tōe azu dōe pe egerōe owo á ju ayingba ye.

28 Uzu neke á tshe dara pa awa akwa nōe Moyize, endje wu oyo ye nene, ɔedōe azu bisha too votō kōepa timunōe, ngbewo endje wo she ye.

29 Uzu neke á tshe wu Gbolo nōe Ndjaba gbambānōe, á gu ɔesōe indji ayo á mbōerōe adōeke tshe wuta yerōe, yé á dara pa lshiri nōe ɔtshā lōsu, 'e sōe dōe gbetshelōe adōeke tshe gbō bala egerōe djofele á ropa nōe.

30 Gbambānōe nene, a wusōe uzu neke á tshe pa lima adōeke: «Ɛmōe dá gi tshangba ekperōenōe asōemōe fōe endje, ɔemōe dá za bala djofele fōe endje»; yé ga panōe: «Gbozu ɔe wa bala ngbānga ga tōe azu nōe ye.»

31 Ɛ sōe tōe ekperōe waa adōeke uzu gbō o'o tshakane Ndjaba nōe soro.

32 Kashe 'e gbe dōe ali olo nōe 'e lima kane: 'e gbō ingbisho yé lōkōnōe asōemōe, 'e shi lima gbi lōe egerōe koshe á gbōgbō.

33 Endje sōe lima kōegu anga anga 'e ugurutōe 'e

dœ pe kœmboerœ œrœ kanga fœ endje tœ ala azu, kashe 'e kɔ, 'e yi lima ndœ kœsœ awa bale dœ anga 'e asœmœ lœ mara kœwu kanganœ ata.

³⁴ Yé 'e sœ ndje lima kœwu oyo dœ aayi kánga; ataa endje gbɔtœ œrœ nœ 'e gbaa, 'e sœ kolœ dœ yanga mbœrœ tœnœ, mbœrœ 'e wusœ nœ adœke 'e gbɔ bala ɔtshœrœ neke á œndœnœ œ di waa zœ.

³⁵ 'E kakatœ kœyindœ œrœ á 'e sœ kœko lœsu 'e ga pa nœ ti nene, mbœrœ 'e gbɔ egerœ œrœ tshangbanœ zœ.

³⁶ Æ li dœ 'e kœshi gbi lœ kœru lœsu 'e, yé á kœmboerœ œrœ neke á Ndjaba yindœ nœ yeka á kœgbɔ œrœ neke á tshe pa lima tœnœ.

³⁷ Gbambanœ nene, endje sú ɓala buku adœke: «Æ sœpe olo teasho, olo teasho gbambanœ, yé uzu neke á tshe na, œ na bala zœ, tshe kpalatœ ye nene.

³⁸ Andaa, uzu nœ mœ á tshe sœ ndjii œ sœ dœ soro lœ awa nœ kœyindœrœ nœ ye, kashe œdœ tshe kœkwa ga manda nœ, lœsu mœ œ sœ dœ yanga mbœrœ she nene.»

³⁹ Azœ, a doédœ azu nœ kœkwa ga manda nœ yeka á kœli ga lœ kuzu nene, kashe azœ kœdœ azu nœ kœyindœrœ mbœrœ kœshe nœ uvuru azœ.

11

O'o tœ upu nœ kœyindœrœ

¹ Kœyindœrœ kœdœ mara á uzu gbɔ dœ œrœ neke á tshe za lœsu ye ga pa nœ, œtœnœ kœdœ mara kœwusœ adja œrœ neke á uzu œ wu dœ ala ye nene.

² Ndjaba ma lima o'o tœ upu nœ anga azu ut-shunœ mbœrœ kœyindœrœ nœ endje.

³ Lœ awa nœ kœyindœrœ, a sœ kœwusœ nœ adœke Ndjaba mbœrœ tshapashœ dœ o'o ama ye. Ataa, œrœ para á a sœ kœwu tœnœ, œ to lœ neke á a wu nene.

⁴ Lœ awa nœ kœyindœrœ, Abele to ɔtshœ tokóró fœ Ndjaba kœropa œnœ Kayina. Mbœrœ tœnœ ataa, Ndjaba ma she adœke, œshe kœdœ uzu á tshe sœ ndjii. Gbambanœ nene, Ndjaba ma ngbi adœke œne yindœ kœtorœ nœ ye. Mangba kœyindœrœ nœ ye, ataa tshe tshu gbœœ, tshe sœpe kœpa o'o zœ.

⁵ Lœ awa nœ kœyindœrœ, Enoke wuwu kuzu dœ ala ye nene yé endje gbœgbœ she nene. Ndjaba za she gutœnœ ga lafo ga indiri ye; yé utshu nœ kœœ she ga lafo, endje ma lima o'o tœ upu nœ ye adœke tshe ga lima tœ ala Ndjaba.

⁶ Andaa œdœ uzu kœegugu dœ kœyindœrœ nene, tshe ga tœ ala Ndjaba nene. Gbambanœ nene, uzu neke á tshe yindœ kœœna ga ndœ Ndjaba, œ li adœke tshe yindœ nœ adœke Ndjaba sœ zœ, yé tshe sœ kœgi tshangba œrœ fœ azu á endje sœ kœpara she.

⁷ Lœ awa nœ kœyindœrœ, Nowa dji lima o'o ama Ndjaba lœœ á tshe ma œrœ á mbœrœtœ endje bala mbatsha fœ she. Nowa za o'onœ dœ ádá yé œ mbœrœ egerœ agba ndœ kœshe azu tshelœ bingi nœ ye. Ataa, tshe wa œgbœ ngbanga ga pa azu nœ tshapashœ yeka á wuta lima uzu ndjii tœ ala Ndjaba mbœrœ kœyindœrœ.

⁸ Lœ awa nœ kœyindœrœ, Abrayamo dji lima Ndjaba á tshe e she kœœna ga lœ ogo á tshe pa lima

ndœ kœza tœnœ fœ she. Abrayamo katœ ogo ye ti ndœ kœna ga tœ osho á tshe wuwusœ nœ nene.

⁹ Lœ awa nœ kœyindœrœ, Abrayamo na kœsœ 6ata gene 6a tœ osho á Ndjaba pa tœ nœ fœ she. Tshe sœ lima kœlo sœnda gbanda tande bale dœ Izaka œdœ Yakobo á o'onœ á Ndjaba pa lima ndœ nœ, sœ ndje mbœrœ endje.

¹⁰ Gbambanœ nene, Abrayamo sœ lima kœkate ongbo neke á sœ dœ kiti anda ndjoro, á Ndjaba dœ tœ ye dœ ayi kœyisœ mara kœmœ tœnœ œdœ ayi kœmœ tœnœ.

¹¹ Lœ awa nœ kœyindœrœ, Sara ndje, ataa ungu nœ kœzu agbolo ro lima ye, tshe zu lima gbolo mbœrœ á tshe za Ndjaba tœ uzu á tshe yayapa o'o ama ye nene.

¹² Mbœrœ tœnœ ndje ataa, uzu bale á tshe ndo dœ kuzu, zu azu ndjoro á endje sœ 6ata angerepe 6a lafo dœ pe mindu tœ ama egerœ ungu á endje li kœdi tœnœ nene.

¹³ Lœ awa nœ kœyindœrœ, azu para á endje tshu lima, endje gbɔgbɔ lima œrœ á Ndjaba pa tœnœ fœ endje nene. Kashe endje wu lima œtœnœ œ yindœ nœ lœ ingirinœ yé œ wusœ nœ adœke œne kœdœ agene œdœ aayi kœna ana pa osho.

¹⁴ Gbambanœ nene, azu á endje pa mara o'o ataa, sœ kœma ngbi adœke œne sœ kœpara ogo nœ œne.

¹⁵ Yé œdœ endje kœsœ kœgbe dœ ogo á endje to lima lœnœ, endje kwa má tœ endje ga zœ ye.

¹⁶ Dœ adjapu, endje sœ lima kœpara ogo á ga dopanœ, ogo 6a lafo. Mbœrœ tœnœ ataa, Ndjaba sœsœ dœ tshula adœke endje e œne Ndjaba nœ endje nene; yé tshe guma ongbo bale fœ endje.

¹⁷ Lœ awa nœ kœyindœrœ, Ndjaba wu lœsu Abrayamo, tshe za gbolo nœ ye Izaka tœ tokóró, tshe za gbolo nœ ye tshebabale, andaa Ndjaba pa lima tœ œrœ fœ she.

¹⁸ Yé Ndjaba pa lima fœ she adœke: «Lœ awa nœ Izaka dá 6œ gbô bala aata zœ á mœ patœ endje fœ 6œ.»

¹⁹ Abrayamo sœ lima kœpa adœke Ndjaba li kœshe she uzu lœ kuzu. Mbœrœ tœncœ ataa, tshe wu lima gbolo nœ ye 6ata uzu á tshe she lœ kuzu.

²⁰ Lœ awa nœ kœyindœrœ ndje, Izaka to kane ye ga pa Yakobo dœ pe Ezawu ndœ tshambatsha.

²¹ Lœ awa nœ kœyindœrœ, Yakobo ndo ndœ kœtshu tœncœ, œ to kane ga pa agbolo nœ Yozefu bale dœ bale yé œ gote dœ kœetra kumu ye ga tœ mato tshœngbô, yé á donga Ndjaba.

²² Lœ awa nœ kœyindœrœ, ndoo dœ olo kuzu Yozefu, tshe gbara o'o tœ upu nœ kœwuta agbolo Israyele lœ Ezipito yé œ za awa o'o tœ mara á endje mbœrœ dœ ngbabi ye.

²³ Lœ awa nœ kœyindœrœ, Moyize, manda kœzu she, abanœ dœ ayinœ za lima she yiwatœ nœ manda yapu votô mbœrœ endje wu lima kœga nœ gbolo nœ endje, yé endje sœsœ lima dœ awa awa o'o nœ gbozugo nene.

²⁴ Lœ awa nœ kœyindœrœ, lœkô á Moyize wuta gbozu, tshe vwara lima tœ ye adœke endje e œne gbolo nœ yawuru nœ Farawo.

²⁵ Tshe yi lima ndœ nœ adœke œne wu oyo awa bale dœ azu nœ Ndjaba, yé œ vwaratœ ye tœ œsœ nœ kœsœ lœ yanga nœ ekperœ á œendœ nœ œ di nene.

²⁶ Tshe wu lima kœyiangba Kristu 6a ndœ ye 6ata kœgbœrœ ndjoro á rosœ kœgbœrœ nœ Ezipito; gbambanœ nene, tshe ko lima ala ye ga pa kœgbœ bala œrœ tshangbanœ.

²⁷ Lœ awa nœ kœyindœrœ, tshe katœ Ezipito ti œ kpakpa awa oko nœ gbozugo nene, yé tshe shi gbi 6ata uzu á tshe sœ kœwu Ndjaba á endje sœsœ kœwu she nene.

²⁸ Lœ awa nœ kœyindœrœ, tshe mbœrœ lima angbo Pake dœ azu Israyele, yé œ pa fœ endje adœke endje dja indji agea ga pa manda nœ endje mbœrœ andjelu nœ kœwo azu kœro, á kœwowo aeya agbolo yakoshe nœ endje nene.

²⁹ Lœ awa nœ kœyindœrœ, azu Israyele zu lima egerœ odorœ ungu ingbiri 6ata ɔɔɔ osho, yé azu Ezipito yi lima ndœ kœzu manda endje yeka á ungu su ga pa endje kpœlirœ.

³⁰ Lœ awa nœ kœyindœrœ, Azu Israyele fa lima dje indiri gbagba Yeriko manda olo mindu dœ bisha (7) yeka á kavwa.

³¹ Lœ awa nœ kœyindœrœ, Rahabe, yashe gugati tshutshu lima awa bale dœ azu á endje vwaratœ endje ndœ kœdji Ndjaba nene, mbœrœ tshe za lima osho kœsœ fœ agene á endje na kœwu osho utshunœ yeka á kœgu kœvatœ nœ.

³² O'o gadœ dá mœ kpa pa a? Mœ sœsœ dœ lœkœ ndjoro ndœ kœpa o'o tœ upu nœ Jedeyo, Barake, Samesone, Jefete, Davidi, Samwele dœ pe aayi kœgbara o'o nene.

³³ Mangba kœyindœrœ, endje gbœ lima tœ osho nœ anga azu ogo, endje za lima o'o nœ kœsœ ndjii ga tœ akwa, endje gbœ lima œrœ á Ndjaba pa toœnœ fœ endje ye, endje i lima ama amuru ga toœnœ;

³⁴ endje ru lima gbɔgbɔ nœ owo, endje she lœ kuzu ingiri yakamba, endje á endje sœ lima dœ koɓa she dœ ɔtshɔnœ, endje sœ lima dœ gbɔgbɔ lœ koshe, endje gɔrɔ lima angbi aturugu.

³⁵ Ayashe wu lima azu nœ endje á endje tshu, kœkwa dœ soro.

Kashe anga azu wu lima oyo waa, ataa endje vwaratœ endje kœwuta lœ ekperœ mboœœ á kœgbɔ kœshe lœ akuzu.

³⁶ Ayingba endje sœ lima kœmɔ endje dœ kœɓi endje dœ ndjapa, kœi endje dœ djingiri dœ kœko endje va ga lœ anda kánga.

³⁷ Endje ve lima endje dœ badja á wo endje, œ wa tshelœ anga endje dœ sii, œ wo anga endje dœ ingiri yakamba, endje sœ lima kœlo djezœ ng-bangbangba, endje verœ lima ɔkɔ apata too œnœ ayaburu; endje gugu lima dœ œœœ nene, endje sœ lima kœmboœœ œœœ kanga fœ endje, endje sœ lima kœwu oyo waa,

³⁸ endje á tshapashɔ gaga dœ endje nene. Endje sœ lima ɓa lœ kpagagasho œdœ ɓa pa kaga, endje sœ lima ɓa lœ ɔngɔ badja dœ pe ɓa lœ gorokpa.

³⁹ Endje kɔ, endje ma o'o tœ upu nœ endje mangba kœyindœœœ nœ endje, kashe endje gbɔgbɔ œœœ á Ndjaba pa lima tœ nœ nene.

⁴⁰ Yé Ndjaba kpa guma lima sœ œœœ dœ ɔtshɔnœ kœrosœ nœ fœ azœ, œ li adœke azœ dœ endje, a sœ awa bale á kœli.

12

Kœru lœsu lœ kœwu lœsu

¹ Ataa, azœ ndje á a sœ dœ atimu ndjoro indiri azœ, a katœ kongba nœ azœ kɔ œdœ ekperœ á sœ

kœli azœ lœ ana nœ azœ, a kpa ɔrɔ dœ kœru lœsu lœ awa á endje za ga utshu azœ.

² A ko ala azœ ga pa Yisu á tshe mbœrœ adœke a sœ dœ kœyindœrœ tœ alinœ œrrr ga tœ ndɔngɔlɔnœ. Tshe yindœ kœtshu pa kurushi yé œ gbegbe dœ tshula neke á sœ mbœrœ mara kuzu ataa nene, mbœrœ tshe vwara lima tœ ye tœ yanga neke á endje gumasœ nœ fœ she, yé ngɔngɔ asœ tshe sœ ga pa kuni ngande tshagbozu nœ Ndjaba.

³ 'E gbe dœ she tœ mara á tshe ru lœsu ye lœ œrœ kɔ á aayi kœmbœrœ ekperœ mbœrœ ga tœ ye yeka á 'e kœmɔmɔ lœ gbetshelœ nœ 'e nene.

⁴ Gbambanœ nene, lœ koshe nœ 'e mbœrœ ekperœ, 'e nganga damba anganœ œrrr ga lœ kuzu nene.

⁵ Yé œndœ upu á endje sœ kœmi fœ 'e ɓata agbolo djerœ 'e ye a?

«Gbolo nœ mœ, vwavwaratœ zœ tœ djofele nœ Gbozu nene,
mɔmɔ lœ gbetshelœ nœ zœ nene lɔkɔ á tshe kœsœ kœgbagbara ɓœ.

⁶ Gbambanœ nene, Gbozu sœ kœyɔrɔ uzu á tshe yindœ ye,

yé œ sœ kœza djofele fœ gbolo kɔ á tshe yindœ ye.»

⁷ Mbœrœ kœmbœrœ ala fœ 'e dá 'e sœ kœwu oyo. Ndjaba sœ kœmbœrœ dœ 'e ɓata agbolo nœ ye. Gbolo ɗe dá abanœ zaza djofele fœ she nene a?

⁸ Œdœ endje kœzaza djofele fœ 'e ɓata á endje za fœ agbolo kɔ nene, dá 'e dœdœ agbolo nœ Ndjaba nene, kashe 'e kœdœ agbolo á alaba 'e sœ kpi.

⁹ Alaba azœ pa ɔshɔ kœdœ aayi kœmbœrœ ala fœ azœ, yé a sœ kœdji endje. Tœ kœerosœ nœ kɔ, œ li

adœke a dji Aba azœ nœ ishiri yeka á kœgbo soro lœ ye.

¹⁰ Yé endje, endje sœ lima kœza djofele fœ azœ ndœ olo teasho бата á endje yi lima ndœ nœ. Kashe Ndjaba sœ kœza djofele nœ ye fœ azœ mbœrœ adœke a sœ dœ otshœnœ dœ pe kœgi mara á tshe sœ yerœ dœ tœnœ fœ azœ.

¹¹ Lœkœ á azu sœ kœgbo djofele, endje sœ kœwu adœke tœnœ kœdœ œrœ nœ yanga nene, kashe œrœ nœ oyo. Kashe œrrr manda nœ, azu á endje wu mara djofelœnœ ascœmœ œ gbo œrœ á sœ kœza kœsœ gee œdœ kœmbœrœ adœke uzu sœ ndjii.

Kœmi upu œdœ kœgbota tshelœ utu

¹² Ataa, 'e yœrœ tshelœ kane 'e á mœœmœ œdœ matshukuda 'e á sœ vwelevwele.

¹³ Yé mbœrœ ada 'e, 'e guma awa ndjii mbœrœ adœke aayi gbada kœkoko ada endje tœsho dœ uku nene, kashe endje she.

¹⁴ 'E para kœsœ gee dœ azu kœ, dœ pe kœsœ yerœ á mbœrœ tœnœ nene, uzu bale œ wu Gbozu nene.

¹⁵ Ala 'e gbo adœke uzu bale wuwuta lœ otshœ lsu nœ Ndjaba nene. Uzu bale sœsœ бата eshe œyœ á shuushu, á kœtetœ kœendanga too kœeli ga lœ azu ndjoro nene.

¹⁶ Ala 'e gbo tœ kœmbœrœ angba budu too ayi kœmbœrœtœ œrœ á sœ yerœ бата á Ezawu mbœrœ lima á ka tshagbozu nœ ye kolœ mbœrœ kœziœ awa bale.

¹⁷ Gbambœnœ nene, 'e wusœ nœ manda nœ adœke, tshe yi lima ndœ nœ adœke aba œne to kane ye ga pa œne á œne kœgbo otshœrœ á Ndjaba pa lima tœnœ, yé tshe lili lima ndœ kœgbo tœnœ

nene. Tshe gbɔgbɔ awa ndœ køfa gbetshelœ nœ abanœ nene, ataa kødi tshelœma nœ ye dœ køki dœ ngola ye gbæa.

¹⁸ E'e, 'e nana ndoo dœ anga adja œrœ á endje li køgoro tœnœ nene: ɓata owo á sœ køju tœnœ, ubu osho, osho á wu nari, ndavuru yugu,

¹⁹ tshama ngbake, tshama azu. Azu á endje sœ lima kødji tshama œrœ ataa, vwaratœ endje ndœ kødji anga o'o ga pa nœ ye.

²⁰ Gbambanœ nene, endje lili lima køeru lœsu endje tœ awa o'o asœke nene: «Uzu á tshe ɔ ga pa kaga asœ, œdœ agea, œ li adœke endje ve she dœ badja.»

²¹ Œrœ á endje sœ lima køewu tœnœ za awa fœ endje, yé Moyize pa adœke: «Mœ sœ køde gbaragbara dœ awa.»

²² Kashe e'e, 'e na ndoo dœ kaga siyona dœ pe lœ ongbo nœ Ndjaba nœ soro, dœ Yerusaleme nœ tshalafœ, osho á aandjelu kutu dœ kutu sœ dœ angbœtœ nœ angbo,

²³ œdœ angbœtœ nœ aeya agbolo á endje sú i'iri endje ɓa lafo, á Ndjaba ayi køewa ngbanga nœ azu para, dœ pe ishiri azu á endje li.

²⁴ 'E na ga ndœ Yisu á tshe dœ uzu ugurutœ tafo ayo, á indji ye gɔrɔ ekperœ para yé á kpa sœ køpa o'o køropa indji Abele.

²⁵ Ala 'e gbɔ adœke 'e vwavwaratœ 'e ndœ kødji uzu á tshe sœ køpa o'o fœ 'e nene! Gbambanœ nene, endje gbɔ lima djofele lœkɔ á endje vwaratœ endje kødji uzu á tshe sœ lima køgbota tshelœ utu endje ɓa pa ɔshɔ. Endje á endje gbɔ djofelenœ ataa, á køfutœ azœ a? A gbɔ ndje djofele œdœ á

kœvwaratœ azœ kœdji tsheneke á tshe sœ kœpa o'o fœ azœ ɓa lafo.

²⁶ Æshe á ɔshɔ sœ kœturu tœnœ ndœ tshama ye, ngɔngɔ asœke tshe sœ kœpa fœ azœ adœke: «Tœ ndɔngɔlɔnœ, mœ mbœrœ adœke kolœ ɔshɔ dá turu nene, kashe tshalafɔ ndje.»

²⁷ O'onœ á tshe kpa pa awa bale tœ ndɔngɔlɔnœ sœ kœmindœ nœ adœke œrœ kɔ á tshe mbœrœ lima ga pa tshapashɔ á sœ kœturu tœnœ œ yiwa, yé œneke á sœsœ kœturu tœnœ nene œ sœpe.

²⁸ Mbœrœ tœnœ ataa, a gbɔ ogo neke á turu nene, a tepa ɔtshɔ lɔsu nœ Ndjaba dœ ɔtshɔnœ. Lœ awa nœ œtœnœ, a mbœrœ akwa fœ Ndjaba dœ mara á tshe yindœ nœ, a dji she dœ pe kœkpa awa ye.

²⁹ Gbambanœ nene, Ndjaba nœ azœ kœdœ owo á ju œrœ.

13

Mara kœmbœrœ œrœ á ga tœ ala Ndjaba

¹ 'E sœpe kœyindœtœ 'e dœ anga 'e ɓata aayazu.

² Ændœ kœza osho kœsœ fœ azu djedjerœ 'e nene. Gbambanœ nene, mangbanœ dá anga azu za lima osho kœsœ fœ aandjelu, kashe endje wuwusœ nœ ataa nene.

³ 'E gbe ndje dœ endjeneke á endje sœ lœ anda kánga ɓata 'e dœ aayi kánga awa bale dœ endje kane. 'E gbe ndje dœ endjeneke á endje sœ kœmbœrœ œrœ kanga fœ endje, mbœrœ e'e ndje, 'e sœ dœ ɔkɔ ɓata endje.

⁴ Æ li adœke azu kɔ lisœ totœ, yé anga ayi totœ bale lolo dœ anga angbɪ uzu kpi nene. Gbambanœ nene, Ndjaba œ wa bala ɔgbɔ ngbanga ga tœ aayi

angba budu œdœe ga tœ ayi totœ á tshe para angbi uzu.

⁵ Æ lili adœeke kœyindœesho mbœerœ ngendja ndi ɔtshɔ 'e nene; 'e za lœsu 'e ga pa neke á 'e sœ dœ toœnœ mbœerœ Ndjaba dœ tœ ye pa adœeke: «Mœ katœ zœ ti bala nene, œndœ zœ œ djerœ mœ bala nene.»

⁶ Mbœerœ toœnœ ataa, a li dœ lœsu azœ djigi kœpa adœeke:

«Gbozu kœdœe ayi kœti kane mœ,
mœ sœsœ dœ awa nœ œerœ bale nene.
Ærœ gade dá uzu li kœemboœerœ tœ mœ a?»

⁷ 'E gbe dœ agbozu tshapa 'e á endje pa O'o ama Ndjaba fœ 'e kane. 'E gbe dœ mara á soro endje ka dœ toœnœ, yé œ mbœerœtœ 'e lindœ kœyindœerœ nœ endje.

⁸ Yisu Kristu yayapatœ ye nene, tshe sœ awa bale libi, kpesheke œdœe waa dœ waa.

⁹ 'E zazatœ 'e ti lœ djingili ndœ o'o nœ wala nœ angbi azu nene. Gbambanœ nene, œ li adœeke ɔtshɔ lœsu nœ Ndjaba to gbɔgbɔ fœ 'e, 'e zaza lœsu 'e ga pa awa o'o tœ upu nœ kœziœ nene. Endjeneke á endje sœ kœza o'o nœ kœziœ ga tœ akwa, endje gbɔ tshangbanœ nene.

¹⁰ A sœ dœ ndaba á aayi akwa ɓa lœ gbanda tande lili kœko œneke á endje to dœ tokóro ga panœ á kœzi nene.

¹¹ Gbambanœ nene, endje sho undu agea, á egerœ nganga Ndjaba œ na dœ indji ye ga tœ œyerœ osho mbœerœ kœyœndœ kœdjerœndœ ekperœnœ, ɓa ushu tœ gbagba.

¹² Mbœerœ toœnœ ataa, Yisu, ndœ kœemboœerœ adœeke azu wuta yerœ lœ indji ye dœ tœ ye, tshe wuta ɓa ushu tœ ongbo á tshu.

¹³ Ataa, a wuta lœ gbagba ndœ koena kœgbɔtœ azœ dœ she, yé œ yindœ nœ adœke endje gu azœ dœ mara á endje gu lima she.

¹⁴ Gbambanœ nene, pa ɔshɔ asœke, a sœsœ dœ ogo kpiri nene, kashe a sœ ndœ kœpara awa ogo neke á na bala.

¹⁵ Lœ awa nœ Yisu, a kœto makabo nœ kœdonga Ndjaba, tœnœ kœdœ itshi á a donga dœ i'iri ye.

¹⁶ Ɛndœ kœmbœrœ ɔtshœrœ djedjerœ 'e nene, dœ pe kœti kane 'e lœ tœ 'e, mbœrœ mara tokóró ataa dá sœ kœga tœ ala Ndjaba.

¹⁷ 'E dji agbozu tshapa 'e yé œ zatœ 'e ga ati utshu endje. Gbambanœ nene, endje dœ tœ endje dá sœ kœgbɔndœ ishiri 'e mbœrœ endje dá pa bala ndœ upunœ fœ Ndjaba. Ataa, endje mbœrœ dœ yanga kashe dœ kœpulœma endje nene, ete nene 'e gbɔ œrœ tshangbanœ nene.

¹⁸ 'E za avwala mbœrœ 'a. Gbambanœ nene, 'a yindœ nœ adœke 'a sœ dœ adja ɔtshɔ gbetshelœ tœ lœsu 'a ndœ kœmbœrœ ɔtshœrœ ɔlɔ dœ ɔlɔ.

¹⁹ 'E mbœrœ œtœnœ, mœ sœ kœyɔndœ nœ ɔlɔ dœ ɔlɔ adœke 'e za avwala tœ upu nœ mœ á Ndjaba kœza awa fœ mœ katsha ndœ kœkwa ga ndœ 'e.

Avwala

²⁰ Kaka Ndjaba nœ kœsœ gee, á tshe she lima Gbozu nœ azœ dœ Yisu á fa she tœ ayi kœgbɔndœ apata, á tshe mbœrœ ayo nœ waa dœ waa dœ indji ye,

²¹ to gbɔgbɔ nœ kœmbœrœ ɔtshœrœ kɔ á tshe yindœ nœ adœke 'e mbœrœ. Tshe mbœrœ fœ azœ œneke á ga tœ ala ye lœ awa nœ Yisu Kristu á mokɔ sœ mbœrœ she lœ ngbugu dœ ngbugu. Ame!

Ndangɔɔ o'o ædæ abala

²² Alaya, mœ yɔndœ nœ ga ndœ 'e adœke 'e ru
lɔsu 'e tœ kœyisœ o'o ama Ndjaba asœ! Mœ susu
o'onœ ndjoro nene.

²³ 'E wusœ nœ adœke aya azœ dœ Timote wuta
lœ kánga ye. Ædœ tshe kœna ga mœ katsha, mœ
na kœwu 'e awa bale dœ she zœ.

²⁴ 'E bala agbozu tshapa 'e para dœ pe ayerœ azu
kɔ. Ayerœ azu tshelœ ogo Itali vwa abala fœ 'e.

²⁵ Kaka ɔtshɔ lɔsu nœ Ndjaba sœ dœ 'e para.

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983